

Abukoni bwa Ebola

[Original English version published online : December 11 2025]

This Kihunde version published July 29, 2026

11 buhindire 2025 | Mbutso & Mixubyo

AEbola bukoni buli bute?

AEbola bukoni butali ng'amandi makoni; he bukoni butsibu. Bunaletwa na birusi bya mwa bwoko bwa Orthoebolavirus, mwakikanga kya birusi byobinalukwa mbu Filoviridae. Mwa kicha kyokyatsukaa kwapfaa bakoni abashembashemba 25% ihikira ku 90%.

Mwa biro muno, kuhera kwichibwe moko ndatu ma Orthoebolavirus, na muto, muli ishatu ku sosinaleta bicha binene binene:

- Abirusi bya Ebola (EBOV) byebileta abukoni bwa Ebola;
- Abirusi bye Sudani (SUDV) byebinaleta abukoni bwe Sudani
- Abirusi bye Bundibugyo (BDBV) byebinaleta abukoni bwe Bundibugyo

Anyamexwa yeinabamo abirusi itechibwe, he akupfulwa mwatsi mbu amingonde yeinalya bipfuma (Pteropodidae) ingaba ni yoinaleta amakoni aya.

Tuhe to tulolera tw'amakoni m'aEbola?

Atulolero twa Ebola tungatangira mu kindibukira. Amukoni ni abako:

- Shishira;
- Kitamotamo;
- Malumitaso mwa mitsi;
- Mmaale mwamumero n'amutwe.

Ibi byangaxubeimitsanya na:

- ishalashala
- itsukatsuka;
- lukuku;
- ihulukako shiama mwa mubiri

Inyuma yaleomokerwa kunatsuka bishangi'ki niye abandu bamenya ku ulwere Ebola?

Amundu anabako tulolero twa Ebola inyuma ya biro 2 ihika ku biro 21 amemaleomokerwa. Na batyo, naye ni angaomoketsa abandi bandu. Hali na mundu angashusha ti alwere Ebola, he wetuwe, abanganga bámemale'mupima, bobáanganabereretsa ne imiritsa ku amundu'yo alwere Ebola neri ihi.

Bate kw'aEbola ishaashaene n'amandi makoni momawete tulolero ngakuno aEbola no?

Ngendo nyingi atulero tw'aEbola tunatangira mu kindibukira. Nero alihema ishakirirwa na banganga bobasomire kushe.

Kubushi atulolero tw'aEbola tushushene na twa mandi makoni me'omokera ngakuno malaria, na tifoide, katsungulitsa neri abukoni bw'abirusi bya Marburg, litachire chuba kwe bereretsa mbu mundu alwere Ebola neri ihi.

Kwikyo, alihema abandu bobaxungwako atulolero twotushushene na tw'aEbola, baye kwaa munganga. Na kwexondemenya akaliho, lubere ni bapimwa niye bamenye'shakirirwa ni bechi kushe kushe kyabashakirira. Arepimwa n'areshakirirwa chuba linaufula ne langa abipfunga n'abashakeshake.

Bate kw'abukoni bwa Ebola bunaomokera?

Ngendo nyingi, aEbola inaomokera ni aitengera ku mundu na undi, akekola ku kwa shiama neri mechi moshi moshi ma kwa mubiri (ngakuno matsi, shiama, bishalo ndubano, mate) ma mundu alwere yaliho neri yamepfa. Mwa akshangi abirusi byaingira mwambiri kwetsukira mwa luhu lwa yaraliko kihulu (kinyoho) neri kwa bitambo byolo byolo (méshe, anindo, neri abunu). N'abyoshi'bi ni byaletwa n'arebuka amukoni neri arekola ku yaralwere neri kwa ndundwe ya mundu yamepfa na Ebola.

AEbola aixube omokera kwekola ku neri ikolesa bikai byebiriko mikonsi neri mechi mechi ma kwa mubiri w'amukoni neri andundwe ya Ebola.

lúamáúma, amulume yamelama aEbola angaomoketsa mwirakatsi uwe, kubushi abirusi byangashiba mwa mbuto y'abulume nakiro mbu amundu amelama.

Akicha kya'Ebola kitoire abandu bangailangakyo bate no?

Akicha ky'abukoni bw'aEbola kitoire abandu bangakulikira miomba y'areilanga n'areomokerwa. Amiomba iyo, ye ino:

- lilanga ikolanako na bandu bobaahulwa neri bobechibwe ku balwere Ebola;
- Útaimbere bikai bye kulanga, ni wailanga ikola ku mibiri ya bandu bosabapfa ni baliko tulolero twa Ebola butsira;
- Ikaraba saminwe kinsi bishangi tuli atubereretsa amahano ma bobaimanirire abuingo bw'abandu bali abatubwerekya ko twangerekaraba sa minwe.

Abandu bangaitsimba bate kweilanga areomoketsibwa n'asanyamexwa?

Abandu bangailanga n'areomoketsibwa aEbola na nyamexwa bakeitsimba batya:

- iilanga arekola ku nyamexwa sosasipfa butsira ndui, kutsibu kutsibu akicha ky'aEbola kitoire;
- wanamemalekola ku nyamexwa neri ku bindu bya nyamexwa ni wakaraba sa minwe;
- lubere lwelya ku bilyo byebitengire ku nyamexwa nga kuno akirembya, ni mwatakyabyo kushe

Bandu ki bobangaomokerwa chubachuba?

Háli kicha, bobangaomokerwa chubáchúba, ni :

- Abánganga, n'abalikya babo, bobali hofihofi n'abakoni ;
- Banyakyabo abakoni, kinsi yaaskiya abakoni, na kinsi mundu yangaata kwa mukoni ;
- Na kinsi yaata ku ndundwe mwa kiriro. les personnes en deuil qui sont en contact physique direct avec les dépouilles lors des funérailles ou des rituels funéraires.

Abánganga bobangaomokerwa chubachuba n'amakoni m'aEbola kubushi

bwaki?

Abánganga n'abalikya babo bali mwa babere bobanakengula Makoni mahyámáhya mwabandu, ne kohetsa, ne loleketsa abakoni ku kalamiro.

Abánganga n'abalikya babo bangaomokerwa chubachuba mwamango :

- Bataambite bikai byeilanga (EPI) byobikwirire;
- Batabakolesa asandee seilanga n’areomokerwa mwamango abashakirira

abakoni neri bali abakola ku ndundwe.

Asasymptomes sa makoni ma Ebola sishsushire sa mandi makoni. Na batyo, halimo kashangi abánganga n’abalikya babo batakolesa asandee seilanga n’areomokerwa.

Kiki kyo mundu angakola ameata ku mukoni wa Ebola?

Uli wameata ku mundu yaomokerwe neri yaahulwa mbu amokerwe na birusi bya Ebola, nawe ni uhera wanganalwala. Ni alihema uxungane na múnganga neri uye ku kalamiro kokali hofi, kwebula mbu bakuhe ndee soukaendera ko.

Wámemaleanchwa mu « bobaataa kwa mukoni », ni ukahirwa mu lubáko mubiro 21 ihúluka akiro ikyo. Abakulukulu neri abánganga n’abalikya babo bakakuha ndee seukaenderako, ne kuhema mbu:

- Uikiritse abánganga berebahike ilúngulira abuingo bwáwe kintsi lwire ;
- Uikiritse batsimbe aluero lw’amuchanwa w’amubiri wawe ;
- Uxubitse kushekushe ku kintsi kinwa kyobakakubutsa, ni wabene butسابو uli uwete ku kinwa kye butsa, kyokyangaasikyabo kwe kubuka kushe.
- Wánamebako kalolero, ni wabwerekyakobo ;
- Ni utiye ku luendo butsi rehema ndee s’abanganga n’abakulukulu ;
- Uheme ndui íri iriho. Bakakuhema mbu uahule abandu besauatako, kwebula mbu bahabwe ndui nabo.

Mwa biro 21 umo, ukebako kalolero koshikoshi, ni bakakubwira mbu uye ku kalamiro. Bakekuhema mbu ukole bipimo, byobikatengamo, ni bikatuma abánganga bakutwala ku kalamiro kwekushakirira, neri ihi.

Areshákirirwa ni amakoni matetsi mákangama, linaongerera amwinihiro w’arelama, ne kinga anchira y’areomoketsa abukoni ku bandi bandu.

Kunaba bupfumu bw’abukoni bwa Ebola?

Hali mapfumu mabiri maikiritsibwe kweshakirira mundu mukulukulu neri mwana mulere: bilangamubiri mAb114 (ansuvimabTM) na REGN-EB3 (InmazoleTM). Inyuma w’arebonekya

amapfumu ayo, abahúnduhundu abaxonal mandi mapfumu ngakuno Orthoebolavirus, he wetuwe, matechimaikiritsibwa.*

Abandu bamemalexona kabiri areshakirira abukoni bwa Birusi bya Bundibugyo (BVD). Arexona liberealilukwa mbu ye PARTNERS. Mwa kashangi kano abakulukulu, abana n’abakule, ni bahabwa ndui ya kahie yailukwa mbu yo MBP134. Nibaongererako bundi bushake bwe kikiritsa abindi birusi byabibilukwa mbu ye remdesivir.

N’abandu bosabakola ku bakoni nabo bali bangaba ni bameomokerwa, ni kwangaxonwa ikolesa ndui kwa bandu bobali na myaka mingi ku 12 ni bahabwa bushake bwabulukwa mbu ye (obeldesivir neri placebo), ni bamexondolwa mwa bandi bandu, (ni bametoerwa n’ambanya), inyuma yaho niebaishia bonabene. Mwa bishangi muno byare shakirirwa wamemala iomokerwa, abana balere mu shishi wa myaka 12 n’bakule ni bashakirirwa na bwoncho.

Arexonaxona iri ixonda imenyesa ku ateshakirirwa likwirire naro liwete maala mekikiritsa abirusi by’abukoni bw’aBundibugyo (BVD).

Kunchi, iwe neri muhuwenwe wawe, mukeahulwa ku muhara mulwere Ebola, mushushire ishákirirwa chubachuba ku kalamiro kechibwe, kubushi ikyo akiongerera abuingo. Areshákirirwa butatunga : ni bakuha serumu, na biryo, na mandi mapfumu.

Bobalwere Ebola, bangashakírirwa iraka ?

OMS itaihana abipfunga mbu tuishákirire’ka abakoni ba Ebola. Abandu bababwerekya hilolero hya Ebola bashushire ishakirirwa ku kalamiro. Kubatyo, alihema bashakirirwe ku kalamiro kechibwe, niyo bangalama.

Mundu akepfire’ka na áli aáhulwa ku shalwere Ebola, akipfunga kiwe, n’abahuwenwe batahwere rubu lwemuatako, neri iata kwandundwe yiwe kwe ta yo. Abahuwenwe n’akipfunga kiwe bashushire ibarangira abakulukulu ba banganga, kwebula mbu bamute kushe, nga koroakipfunga kihakema.

Ye twangaira tute túlaire kweenda, mwakshangi k’akicha kya Ebola?

OMS itahangitse abutundi neri ngendo sa bandu. Itabenire bula mbu mwa byango byobyameingiramo akicha kya Ebola, abandu bahirwe mu kompfinema neri mu lubako.

Beremwe, abandu bobaataa kwa mukoni wa Ebola, ibo, bashushire ibwérékibwa kwe langa abaendiendi, ne fúmpfubiritsa areomoketsibwa n’abirusi ibyo.

Háli mundu yaataa kwa mukoni wa Ebola naye ni ashushire ienda, abakulukulu
b’abanganga ni bápfulirwao, nge batsimba ndee se musunsuma.

.....

Translated and adapted into Kihunde by Muisha Jacques Muhabura under the supervision of Ombeni Mtanga for Athinkra, LLC based on “Ebola disease: Questions and answers”, WHO, December 11, 2025. WHO is not responsible for the content or accuracy of this translation. In the event of any inconsistency between the English and the Kihunde translation, the original English version (<https://www.who.int/news-room/questions-and-answers/item/ebola-disease>) shall be the binding and authentic version.